



特別
A5
3735
1





教相樞要鈔上

第一重下

言教相者非是教興教相教相亦非教相行儀
 教相其故教興教相教相局序分義教相行儀
 教相是亦局四帖疏故今此教相大師所造中
 除禮讚其外四部八卷及論註安樂集群疑論
 往生要集皆云教相故所言教者佛教亦言相
 者探佛教意人師釋之故云教相妙玄一云教
 者聖人被下之言也相者分別同異也上第一

區要抄上

重者十重教相玄義七門文句三卷次第也但以散善義爲第一重宗義本據故天台釋宗者依所依經名法華宗依能弘人号天台宗大師所造三大部中玄義釋法華題名一經大綱文句述如是已下一經始終智者大師於光州大蕪山證發法華三昧宣此道場開悟旨於止觀一部止觀一云此之止觀天台智者說已心中所行法門比玄義文句釋所依經故名法華宗止觀判大師旨故号天台宗三部中以止觀爲

一宗正意故云天台釋宗宗密圓覺疏云天台修行宗於止觀大原云真言止觀皆是顯天台釋宗幸與修多羅合者修多羅佛教也止觀一部智者大師說已心中所行法門處處引證經論幸是符合已心故云幸與修多羅合阿毘達磨等者梵阿毘達磨翻對法起信論義記云簡擇法相分明指掌如對面見故云對法比此之對法如來所說經律論中卽論藏也菩薩所造論亦攝阿毘達磨藏凡經藏中隨機設教若

佛論藏若菩薩論直從法相說於實義故俱舍
論云素怛覽言因別意趣阿毘達磨依法相說
比但今阿毘達磨菩薩論藏也引論宗故論師
加見功等者註記云經略唯說十三論廣觀二
十九此乃論主加顯功也此記雖云加顯今依
加見且明論宗菩薩造論通達經旨自加知見
俾人辨知諸經同異故云加見等廣百論云為
除空見說諸法有為除有執多說空經若空若
有皆是教門此是提婆論師加見百論即是

三論隨一自餘論宗隨應可知真言華嚴等者
如第五重淨土宗是經宗者天親所造攝論說
唯願別時意弘通攝論人不解論意云下下品
念佛別時意而順次不往生大師為破此錯玄
義引弥陀經諸佛證誠云今既有斯聖教以為
明證又云寧傷今世錯信佛語不可執菩薩論
以為指南此斯乃引小經以破通論家錯立念
佛往生實說故云經宗宗義立破者散善義釋
深信佛語故云宗義言立破者破於彼錯立此

真實故云立破論藏者攝論也凡小論者玄義
云凡小之論乃加信受云文意爲破通論家錯
且以攝論下凡小論其實非存菩薩論此是問
答法一家若會攝論時通論家猶不用之者應
致此難也言凡小者天親論主是內凡位故名
爲凡望佛大人故名爲小菩薩等不相應教者
散善義云不可信用菩薩等不相應教云此釋
凡小論意同若合等者散善義云佛印可者即
隨頌佛之正教矣此釋意也實菩薩說等者天

親即是千部論主豈是有錯攝論說唯願別時
意不違佛教自本唯願是別時意願行具足得
往生故得文大旨等者得三宗大意不闡諸宗
根元因由也釋籤六云若得文大旨則不睹元
由矣釋唯局自宗等者用人師釋局自宗也論
有自他宗用不用故云取捨依物一乘宗旨不
用唯識五性各別法相宗不用佛性論云說無
佛性是不了教通用論應知佛經自他宗非不
依用之故會違文也言法華說一切皆成法相

宗或會少分一切或會為令不定種姓迴心也
又仁王瓔珞等經說凡夫不入報土我宗會對
自力斷證機說昇進門等也傍依凡集一代等
者釋論一云凡集一代種種諸教有一百億部
比梵洛又此云億也問選擇華嚴法華隨求尊
勝等經因明往生是為傍依何今以一代經云
淨土傍依耶答傍正之義未必一准三輩念佛
篇念佛為正諸行為傍今傍正此意也選擇翻
對五種正行以明五種雜行今以一代經為淨

土傍依約讀誦雜行選擇云讀誦雜行者除上
觀經等往生淨土經已下於大小乘顯密諸經
受持讀誦悉名讀誦雜行比問立淨土宗義依
二者深心今依一代經立淨土宗義亦可云依
深心耶答然也大師釋云就行立信者然行有
二種一者正行二者雜行比依一代經立淨土
宗義依雜行立信釋也問此義不明下文云
所釋三心全是念佛三心何今云依一代經立
淨土宗義依雜行立信釋乎答此難甚非也雜

行立信釋非文中乎但云文中所釋三心全念
佛三心約一家正意雜行立信大師傍意故云
傍依凡集等也問下判大師御意深心一句收
觀經一部不釋深心一句收一代經何依一代
經云立淨土宗義耶答深心一句收觀經一部
者約佛隨自意大師正意故下云自深心釋出
念佛一宗卽此義也今依一代經立淨土宗義
約隨他雜行也就之有總依一代別依三經等
三重傳若指翻譯將來等者此是上上品讀誦

大衆亦是雜行也上傍依一代廣通大小衆經
今狹局大衆經也選擇云就翻譯將來之經而
論之者乃至顯密大衆經總六百三十七部二
千八百八十三卷也皆須攝讀誦大衆之一句
比大師釋云等者讀誦正行釋也上來讀誦雜
行讀誦大衆讀誦正行次第相連所以宗義立
處讀誦正行中別依觀經故云一有緣經故等
者如鎮西宗要一但宗要第三由引證定祈願
靈驗斯乃三昧發得功故正一家大師三昧發

得在從證定初願已前凡於定中或見光明或見淨土或見佛身是則名為三昧發得新修傳云觀想忘疲已成深妙便於定中備觀寶閣瑤池金座宛在目前此是正大師三昧發得也深心一句者史定深信一念十念定得往生深信心收觀經一部觀經一部唯念佛故如來在世有信心人等者對信心人佛說此經即是從信此經開也凡觀經一部等者佛意雖欲唯說念佛隨機一往說定散門選擇云隨他之前覽雖

開定散門隨自之後還閉定散門一開已後永不閉者唯是念佛一門此正雜助正等者是會伏難言上云二百餘行廣釋偏念佛安心今亦云所信法唯是念佛若余者何釋就行立信下正雜二行助正二業耶也通意正雜助正分別因明結歸本願正定信以為本意本願橫三心等者第十八誓三心具足念佛生因是故十方衆生中可有橫豎二機明本願正意雖可通橫豎無一二言故且傳橫三心也非是指三心心

體等者是上所引上人觀經私記云上上品有
念佛說定善畢即說三心全為說念佛也祖師
上人明此佛意釋上上品有念佛也非是以三
心即言念佛行心行各別故三心心體者三心
即心體強不及捨信欲分別義也雖然性習等
者如來說定善竟說三心全為說念佛也雖然
機欲不同故於上六品說大小行故云性習不
同等性習等義如散記二從佛意之方等者問
上廣釋約隨自意觀經一部唯是念佛何今校

云九品之行唯在念佛耶答上約定散隨他念
佛隨自義故云觀經一部唯是念佛今約散善
隨他念佛隨自義故云九品之行唯在念佛例
如等者如來本意在一乘故始於華嚴說一乘
法終至法華顯說一乘中間四味三教只是隨
他之說非佛本意約佛本意一代唯有一乘妙
法之外更無餘法今亦然也約佛本意上上品
有念佛從本下下品說念佛中間大小行非如
來自說本意約佛本意九品之行唯在念佛矣

華嚴初分任佛本意唯說一乘故釋籤一云佛
本意在天故遂本居初已推字後學寫錯歟機
不純熟等者華嚴後分而有小機然彼小機不
堪一乘故云不純熟為使小機引入一乘而說
四味三教方便調其小機停小乘執故云調停
大機漸熟而到法華令悟實相云授醍醐妙藥
也初後佛慧等者開覺實相是名佛慧初者華
嚴後者法華利根之人初入佛慧鈍根之機後
入佛慧妙玄十云始見我身入如來慧今聞此

經入於佛慧初後佛慧圓頓義齊此妙彼妙
等者以華嚴圓例上上品三心以法華圓例下
下品念佛然法華玄二意彼妙方等般若圓而
非華嚴圓但集解上云初頓部有一鹿一妙一
妙與法華無二無別註云無二者一也無別者
同也良以彼妙此妙妙義無殊此乃合今意
也文中所釋等者從經云一者至誠心下至亦
名迴向也云文中三心問云文中三心全念佛
三心不明至誠心下釋一切衆生身口意業所

修解行深心下釋說此觀經三福九品定散二善乃至專心念佛及修餘善等迴向心下釋過去及以今生身口意業所修世出世善根余者如何答釋處處通餘行義但是傍意而非大師正意所以者何文中三心若通餘行何釋三心既具無行不成乃至又此三心亦通攝定善之義乎如唯識云義有異者皆別說之既釋三心既具等能別言知於文中釋出餘行今家傍意明矣上人得釋故之一字等者問宗要四云起

行略說者故一字是何今云三國相傳宗義源依二者深心一句乎答一心專念文就行立信釋能信安心所信起行也然師約所信釋起行一字問師約能信判二者深心能所不離故非相違玄忠西河亦同立等者如要集處釋所云三信等者此三信三不釋讚歎門如實修行然今云三信三不釋我一心論註判是故論主建言我一心以三信三不引合論我一心故云釋天親我一心論十大章初等者十大章中第二

起觀生信也論註云起觀生信者此分中又有
二重一者示五念力二者出五念門矣記云起
觀是起行生信是安心比從安心生信開出五
念行是今所用也雖云五念行約論主本意唯
在讚歎門攝在稱念故論主意從二者深心開
出念佛一宗也

第二重下

旨歸者意趣也施化利生門者佛應機施化隨
根利生故名爲施化利生門是約能化解義分

者衆生隨教解義故云解義是約所化能所共
淺故云因分可說發迹入源門者拂除施化利
生解義因分蹤跡入佛意源是則名爲發迹入
源是約所化仰信分者高仰果位轉於解義名
仰信分亦約所化凝然常住者法相宗談凝然
常住不作諸法故獨空畢竟者出心經秘鍵三
論宗談畢竟皆空真空一味故法界圓融者華
嚴宗談四種法界圓融故三諦相卽者天台宗
也六大無礙者真言宗也卽身義云六大無礙

常瑜伽故即心非佛者佛心宗也馬大師云即
心即佛非心非佛矣如此佛教者指上六宗宗
宗所談依佛教故名色者指佛教體所言名者
具名句文其名句文者假法相宗意二十四不
應假立故所言色者聲也聲色法故是有三義
一者佛教以名句文為體唯識論二云名詮自
性句詮差別文即是字為二所依比二者佛教
以聲為體即如來音聲也是名色中色也三者
佛教以名句文聲四法為體今略云名色是也

維摩經云有以音聲語言文字為佛事比非因
位分者凡知佛意有四不同凡夫信知三賢學
知十地分證知如來究竟知奪而言之非究竟
知故云非因位分離名言等者名言思議解行
即是因分蹤跡絕離因分蹤跡名發迹入源門
佛之密意者佛內證智是名實智如來實心者
佛見分心相宗是名根本智也文內妙法等者
法華方便品說歎諸佛釋迦權實二智寄言歎
二智名文內妙法絕言歎二智名文外之妙寄

言歎者經云甚深微妙法難見難可量矣絕言
歎者經云是法不可示言辭相寂滅也法佛三
密等者大日法身所說三密顯教之中等覺十
地不能入室故云三密云此等皆立等者指大
論等四文云此等皆立等所言大信者涅槃經
云大信心者即是如來也信中不離解等者下
云縱雖不隨覺不覺際離真智禪愚心地修行
分齊不可同實迷衆生若不同實迷者何云脫
悟解耶也即此意也問如何是信中不離解果

中修因行答今日爲君重漏泄翩翩外下遙
天要門內因弘願外緣等者如玄記三引聖勵
凡等者釋經三世諸佛淨業正因文也序分義
云引聖勵凡但能決定註心必往無疑也世戒
行三三世諸佛爲成佛因故云引聖况生淨土
有何疑殆故云勵凡弘願教門等者攝凡夫願
謂之攝凡攝聖人願謂之被聖言依本願力凡
夫生報土况依本願力聖人生報土有何疑慮
乎如是以義分勸勵者約施化利生門能化以

道理歸依者約解義分所化直為弥陀等者引
凡夫念即生不斷煩惱等顯不隨悟解門改轉
凡情斷破煩惱依悟真理故雖云淨土施化利
生解義因分不隨悟解門超諸教解義分隨悟
解門乃同諸宗果分大信也又佛密意等者玄
記三云又佛下至旨趣正明解義教門難曉矣
既判解義教門難曉故引解義分也隨機顯益
等者雖釋何等為三一句意兼上下兼上者發
三種心即便往生是顯三心往生之益故云顯

益味說三心是其名義非於顯露故云意密微
者責也自問自徵共是何等為三問起也若但
何等為三問起豈是得解三心名義兼下者非
何等為三自問一者至誠心等自答何由得解
乎上文云佛密意教門難曉今文云意密難知
二文意同雖云解義因分不隨悟解故全當諸
宗大信也能令速滿足等者速得成佛也但今
單信大信為云無千波万浪義路分別迹判能
令速滿足功德大寶海也千波万浪等者分別

諸義理知解跡也信得及者信義也彼下頓中
漸等者如第四重拔群者拔抽也群衆也抽諸
宗義也未斷凡夫出過三界自然悟道密意深
奧也碩學者碩大也宏學者宏屋深也大也廣
也碩學宏學同是大學匠義也又如次淺深異
歟鑛金純金者如下爲一明一者勝鬘經爲一
乘機說一乘法故名爲一明一一乘法藏論等
者彼論云法華一乘能歸一乘淨土一乘所歸
一乘已舉教門義理等者是上破難若向義路

信得及還是解義分以解義分難還是解義分
非但不知單信大信亦不知解義分也宛恰者
比物兒如以一重等者關以木橫持門戶也門
戶關一重一本然一重局上又一重局豈是中
乎非止不知一重局又一重局故一字不打畫
者韻會云畫胡麥切徐曰若筆畫之也矣一字
一畫也一字不打畫唯白紙所言一字者釋迦
出西天末後曰不會說一字是也古人云三乘
教外述文章一字元來不著畫八字無兩弗者

今云兩入人天眼目云兩入八字無ノ入兩只
白紙也所言八字者達磨來東土最初云單傳
心印不立文字是也其一字八字者本來白紙
也人天眼目云八字無兩ノ胡僧笑點頭引今
此兩句我宗意雖云解義分不隨解會門解會
一點無只本來白紙故同諸教大信本來無事
玲瓏八面玲瓏者明貌從凡解者至名為妙解
諸教解義分從以佛智至即是如來諸宗大信
從或說智慧至度量亦是諸教解義分也於中

智慧等八字法華譬喻品文上根等八字菩提
心論文如次天台真言意也雖非上智等者問
知本願無謬悟名号功用出世佛法分別何云
世情分別乎答本願名号雖出世佛法知本願
無謬解名号功用凡夫分別證悟真理截斷凡
夫情量分別然淨土機不改一毫凡夫念慮故
云世情分別智慧解義分乃至可勝彼入源門
等者問上云我宗解義分全當諸宗大信今云
我家解義分可勝彼入源門上下相違如何答

上是與釋今正奪釋也雖云我宗意解義分非
如諸宗解義分隨悟解門故與同諸宗大信斯
乃上義約諸宗大信脫於悟解今約雖云大信
果分不同實迷故未免悟解此是奪釋也問十
方三世諸佛皆以不同實迷我宗施化發迹共
得往生得生已後是亦不同實迷然以不同實
迷何為心地修行過失答云縱雖不隨覺不覺
等者覺謂悟不覺謂迷真智謂轉凡入聖智頑
愚謂生得凡夫斯乃不隨迷悟不預凡聖也殆

者將也覆耳鳴鈴者類聚云掩耳似盜鈴遍計
所執情量者凡夫人執法執唯識論九云妄執
實有我法自性此即名為遍計所執比六道賴
緣假者賴謂即依賴緣謂即煩惱見惑四惡緣
思惑人天緣賴此煩惱業感生死苦果從本無
自性故名賴緣假果德難思等者一明果德難
思二明發迹入源初明果德難思者玄記三云
又佛下至旨趣正明解義教門難曉比大師難
曉記主難思意全惟同記主以佛云果位鈔主

以佛云果以密意弘深等云德斯乃佛德故其
果德者因位難測故云難思記主果位難思鈔
主果德難思言異意同次明發迹入源者此是
仰信分其仰信分者記云仰惟下至去也正明
仰信二佛方便比上果德難思下發迹入源上
下連續云果德難思發迹入源故記云仰惟等
者此明佛意甚深難知教亦難解但雖不知其
甚深致釋迦發遣弥陀招喚其文分明唯作仰
信定得往生比此記雖釋仰惟已下上下連續

正明果德難思發迹入源於中此明佛位下至
甚深致明果德難思釋迦發遣下正明發迹入
源文中唯作仰信者唯簡持義簡法知解持取
仰信故云唯作斯乃佛果德難思知解迹歸入
仰信果分之源是故但雖可云發迹入源以單
信大信云發迹入源故為簡異之上下連續云
果德難思發迹入源也問今云三賢十聖弗測
所闕其理無疑此上果德難思等知果德難思
等局仰惟已下不通佛密意等乎答正還愚癡

在仰惟等故云此上若如所難於仰惟已下文
中指何處云果德難思乎玄記三云又佛密意
乃至常樂者自下明果位難思發迹入源何果
位難思等云局仰惟已下乎問繫鈔指佛密意
弘深云果位難思指教門難曉云發迹入源然
今又佛下至旨趣云果德難思以仰惟已下云
發迹入源違繫鈔豈當作者意乎谷又佛下至
旨趣云果德難思以仰惟已下云發迹入源一
家釋義記主批判既分明也誰諍之乎然教門

難曉解義分而非發迹入源故上我宗解義分
同諸教果分證據引又佛密意等但鈔意教門
名迹佛意名源教門難曉約佛意源故指教門
難曉云發迹入源此猶果位難思分齊而非還
愚發迹入源然以教門難曉判發迹入源為顯
同諸教果分也例如諸佛同道時云弥陀於諸
佛乃佛乃祖等者乃往也乃佛乃祖是凡是聖
皆還愚癡生於極樂唯此一事佛祖本懷也解
信二字者解謂即是解義因分信謂即是仰信

果分拂解義跡歸入仰信是則名為果德難思
發迹入源空師辨師等還愚癡具在裏書又所
云單信大信者置又隔意果德難思有解信二
此機唯信從本無解故云單信問撥解義分跡
名發迹入源單信大信無知解迹何由名發迹
入源乎答單信之機從本無知解跡名發迹入
源如云泯絕機知格外宗風剝盡悟解自然悟
道斯乃從本無機知云泯絕自本無悟解云剝
盡單信發迹即此意也梨鈔云我宗拂迹入玄

者不改最初不變躡趾不可深思只麼仰信比
問第十重判二者深心信單信大信果德難思
發迹入源門玄義序題門是知以單信大信名
果德難思發迹入源門見余者如何答二機差
別如上但至難者一家大師以單信大信釋龍
仰惟等文中故述二者深心乃至序題門也如
此諸解義等者指常立大信如法修行觀念法
門引般舟三昧經云佛告跋陀和菩薩欲疾得
是定者常立大信如法行之則可得也勿有疑

想如毛髮許云明此如法修行說勿有疑想勿
孤疑等指之云如此諸解義悉是遺疑煩惱教
門方便也凡鈔主筆體自非先意人豈當素意
乎單直仰信正機者雖有種種念佛往生機以
愚鈍念佛為我宗正機也死貓兒等者禪林類
聚云曹山本寂禪師僧問世間甚麼物最貴師
云死貓兒最貴云為甚麼死貓兒却貴師云無
人著價云莫謂等者莫謂唯須四字單信大信
也莫論等者莫論意在四字單信大信也淨土

門意還愚癡生極樂者繫鈔云還字強不可存
意許但准下意拋諸解義分還一文不知愚癡
也下云願諸學教人拋諸義理等故四句中第
一解解因分因分者初解對實大乘信後解對
權大乘信因分因分亦復如是唯解人空故以
見思斷為極果故我無塵有者毗曇人空法有
也我塵俱無者成實空門人空上破界內法執
故第二解信因分果分者所言解者對實大乘
信信者對小乘解因分者對實大乘果分果分

者對小乘因分談斷十二品無明到妙覺故第
三信解果分因分者所言信者對權大乘解解
者對我宗信果分者對權大乘因分因分者對
我宗果分也裏書中高祖上人云等者此詞出
上人傳上人傳四十五云檢按別當是出家官
故此本可為正歟推傳意補此職人非學匠歟
烏帽子者如云幘頭豈是禦天寒烏帽子非是
防寒只是為威儀也言不繕威儀義歟

第三重下

諸宗之習統万行等者華嚴意統法界圓融一
法縮順理菩提心一心天台意統一心三觀一
法縮無作菩提心一心等也南無二字是歸命
者凡於南無有願有行口唱南無唯是行而非
是歸命心念南無是云歸命亦云發願心念南
無者思助給斯乃歸命也添壽字但是一德等
者阿彌陀翻無量壽但局壽命無量一德其外
事皆似有量故云非是盡理釋凡三經等或云
無量壽或云無量光皆是義翻而非正翻局一

德故阿彌陀實翻無量大經云無量覺故相應
此無量覺故云天台釋最宜也大師雖存無量
正翻且頌世情云無量壽義寂云壽命世人所
寶重故頌世云壽比無量名等者名體義用如
觀念門下一切有名物皆阿彌陀等者問他流
談名号諸法依正不二故方法皆名号與今同
異如何答天地猶近彼談名号諸法依正不二
故方法當躰全是名号故彼邪義今此不然阿
彌陀實翻無量無量之詞而無洩物故云一切

有名物等其無量者果号三字其方法者名号
所具功德是也故下判無非方法皆無量覺所
具即此義也然則等者述柳櫻等無離阿彌陀
名體菽葛等悉是阿彌陀相見明三字所攝万
法也五千餘卷是阿彌陀經三世諸佛皆阿彌
陀佛者明果号三字功德也平等覺經云十方
三世佛一切諸菩薩八万諸聖教皆是阿彌陀
比是其謂也一代結經者古人釋阿彌陀經云八
万法藏妙肝心一代聖教之結經云又今釋云

今言等者上來釋因觀經題名無量壽梵漢相對以六字翻六字今正引釋題名無量壽文故云又今釋大師釋今言無量壽即其義也問無量壽是弥陀別名覺即通号通別雖異俱是人名何云無量壽者是法覺者是人耶答無量壽覺雖俱佛号無量壽是所具之德謂之於法覺能具覺謂之於人能具所具能覺所覺人法顯然又勸進往生論釋無量壽云表法身常住妙德是約本有心德今無量壽者酬壽命無量願

無量壽故是約修生佛德也又觀經題名有異本道綽所覽本佛說觀無量壽經天台所覽本佛說觀無量壽佛經大師所覽本佛說無量壽觀經云今人法者七種題中人法也安樂集云今此觀經人法為名佛是人名說觀無量壽是法也此是約能說所說分別人法今就所說分別人法也問大師就所說云分人法不明一家所覽本所說中無佛字何云覺者是人乎答為顯要行而加三字就此分別人與法也或可由佛

自唱題故有即體名等者名體不離義也論註云名即法者諸佛菩薩名号般若波羅密及陀羅尼章句上

第四重下

天台因果為宗實相為體者天台觀經疏云大乘經以實相為印為經正體故以實相為此經體矣又云此經以因果為宗以心觀為體比十六觀因往生是果名之為宗無生即空而生是假無生而生無生即是中道故云心觀一

心三觀即是實相故云經體永異一家淨土教門等者大師釋云今此觀門等唯指方立相住心而取境揔不明無相離念也上既遮揔不明無相亦表唯指方立相斯乃執心牢固但著有相義也玄忠名号为躰者論註云即以佛名号为經躰矣註記云今經所詮專在佛名故從所詮判為經躰上言之所貴曰宗等者問天台與一家分宗體不同玄忠但釋名号为體不分宗體不同有何意乎答人師意樂不同鸞師唯以

所詮而為經體斯乃言之所貴為宗宗即體也
大猷者大道也韻會云繇夷周切道也通作猷
詩下云大猷聖人莫矣實相全名号等者名号
實相即相無相理事縱橫實相行皆是依下所
引玄忠釋無生行等者無生涅槃一法異名涅
槃經云亦名涅槃亦名無生亦名無為矣大師
釋云念佛即是涅槃門矣如來行約人涅槃行
約法妙玄四云大經云彼有一行是如來行所
謂大乘大般涅槃矣又云即人論法如來即涅

槃即法論人涅槃即如來也古人立法身同體
因者求觀十因云一心稱念阿彌陀佛法身同
體故必得往生也佛法身與衆生法身全是同
體以同體故我等行處全如來行等也第一義
諦者妙玄八云最上無過故名第一義諦如是
等種種異名俱名實相比准上來引文第一義
諦無生涅槃無為泥洹實相名号往生淨土言
異意同云同時勝者性相兩頓共不經劫故云
同也勝者有下三重勝十信一萬劫者仁王瓔

瑠起信等意也。地前三劫者，仁王經意也。西河
悟真千福者，安樂集下云：願生淨土，隨壽長短，
一形卽至，位階不退。與此修道一萬劫齊功。比
一家如下，群疑論四云：生彼西方，得名爲阿鞞
跋致及正定聚。比此二文下，二釋一形十念功
當十信一萬劫功行證也。少許時間等者，作者
意引依一日七日行登初地證言。依一七日行
得往生淨土，須臾刹那頃登歡喜地，故望淨土
機情云：少許時間以娑婆時分而云，經三劫在

此穢國送三劫間於彼淨土，須臾刹那如仙家
半日人間，七世進入明門歡喜地者，本業瓔珞
經上說初地云：三諦現前，常修其心，入百法明
門。所謂十信一信，有十爲百法明門。比釋論七
引如來藏本識經云：十信十信十解十信十行，
十信十向十信十地十信佛地，十信乃至無一
一法而非十信。比今十信者，十向十信觀經云：
得百法明門，住歡喜地。比隨其心淨等者，聖道
頓證悟時，得心淨土淨果報，故齊頓生頓淨土。

頓叶不退得究竟解脫成佛故等頓悟頓故云
大同聖道頓猶許斷惑故等者問止觀引淨名
經不斷煩惱而入涅槃顯天台圓教旨別本即
身義釋不斷煩惱即身成佛揮真言密教宗何
今云天台真言許斷惑耶答天台真言以煩惱
即菩提為不斷義然釋要鈔以無明即明為真
斷惑悟煩惱即菩提是真斷惑豈類我宗有凡
夫人煩惱成就不斷煩惱乎煩惱質礙等者大
論云若得無生法忍斷一切結使死時捨此肉

身已涅槃疏云分段質礙煩惱雖盡必須捨報
此二文意登初地雖斷盡分段惑捨此肉身
而命終故云捨報也今云大論名疏大論如向
淨名疏未勘之分段質礙文註記云涅槃疏槃
鈔云智度論也隔時道不行者聖道門頓教雖
直期成佛生身得忍菩薩必須捨報故云隔時
道不行問真言云不捨此身進入佛位天台云
六即智斷一生可辨雖然有下機不遮成隔時
然不分機上下何云隔時道不行乎所難必須

捨報文判別教義以權漸意難實頓宗誰依用
之介者如何答云大原問答者第七答云韋提
希夫人於第七觀時得大悟無生比未斷惑頓
壞成斷惑教門無之者問大師釋微塵故業隨
智滅靈芝判逮至彼方始論斷證斯乃非未斷
惑頓壞成斷惑教門乎答所難二文釋於得生
已後之事今立未斷超入之義於淨土門云不
斷惑不生報土而無經釋故云未斷惑頓等也
選擇集者指天台真言皆雖名頓教文是在上

人大經私記然頌義云選擇集彼唯佛一道獨
清閑釋如在法事讚般舟讚兩處亦在廣本選
擇歟南北者勝劣義也南對北語北奔也軍敗
走為北安樂集者集上云我末法時中億億衆
生起行修道未有一人得者云次異者異勝義
也生身得忍者釋籤一云地身住前為生身登
地登住為生身得忍比大寂無為者佛果義也
仁王經說妙覺云大寂無為金剛藏往生不退
至菩提者是判住正定聚願凡不退與菩提雖

似有因果異彼願不說經劫故論速得菩提註
引此願故處不退即究竟菩提也十地願行自
然成者是舉因圓即顯果滿十地願行既是成
就乃佛果故為主投化等者玄義意正報難期
依報易求投化即易為主即難正報難期者成
佛難得如民望國主依報易求者往生易得如
民投王化今引之通伏難伏難意成佛難往生
易成佛往生既是各別何今云往生外無成佛
乎通意云修念佛一行於此穢土得成佛果最

難修念佛一行往生淨土而易且建立二門遣
凡夫疑煩惱解義分方便實往生外無成佛故
須臾授記等者問上云大寂無為妙覺果滿今
云須臾授記十地因滿上下相違如何會之答
往生外無成佛云須臾授記号無為唯名計也
經說者稱讚淨土經也皆令得佛泥洹之道大
阿弥陀經文也

第五重下

諸經起說等者玄義云諸經起說不過五種一

者佛說二者聖弟子說三者天仙說四者鬼神
說五者變化說今此觀經是佛自說比若佛所
說等者所引四文皆顯佛自說勝言了教者了
是次也佛說決定真實言教故云了教菩薩等
說是不決定不真實教故云不了散善義釋佛
語決定了義亦判佛語真實決了義故菩薩等
說下為破通論家以攝論名不了教佛是等者
佛是正使習氣斷盡故非是疑惑心中語不為
一切等者釋不為初地十地破人所破壞信佛

語故釋迦如來暫時等者穢土出現應身為本
然華嚴法華等為一機一緣於應身上暫時之
間現報身儀也佛華圓融者華嚴經具名大方
廣佛華嚴經故号佛華說於四種法界圓融故
云圓融法慧功德林等者舊譯華嚴五十卷或
六十卷七處八會三十四品新譯華嚴八十卷
七處九會三十九品也第七重會普光明殿有
十一品中第四阿僧祇品與第九隨相品如來
說也其外加說初會普賢菩薩說第二會文殊

菩薩說第三會法慧菩薩說十住第四會功德
林菩薩說十行第五會金剛幢菩薩說十向第
六會金剛藏菩薩說十地等也佛力加被六大
菩薩令說品品故云加說四十二大菩薩者釋
籤十云如華嚴中說十住時有十慧菩薩法慧
爲首說十行時有十林菩薩功德林爲首說十
向時有十幢菩薩金剛幢爲首乃至說十地時
有三十六菩薩皆以藏爲名金剛藏爲首此然
梨鈔判十慧十林十幢十藏以三十六藏云十

藏歟所以十藏中攝無盡義况三十六藏乎五
教章中云所以說十者欲顯無盡故矣十慧等
四十菩薩加普賢文殊四十二大菩薩也自然
無師者因位之時雖依佛教解脫道時不由他
悟故云無師而說佛法等者五種說中除佛自
說以餘四說云一切世間中真實者對虛偽善
語者對惡語於實善中最勝之語云妙好語餘
四種說亦於衆生有利益故入佛法中也如毗
尼中說者五教章上如云毘尼者卽大衆指大

衆經中歟名義集如云毘奈耶或毘尼指律藏
中歟印定者印可決定義也古師釋等者妙樂
在弘決一穢土出現以劣應身而爲境本於丈
六上四教機見是各別也三藏教機見丈六佛
是劣應身通教機見十里等佛卽勝應身別教
機見音聲無邊色像無邊此是報身圓教機見
無相無礙同法界空是法身也小衆佛等者小
衆意依三祇百劫修行今日初見成佛不知無
勝教主根本故見無常齊業佛也大衆意無勝

教主分身化來知示現三祇百劫因八相成道
果故云本知一家釋云釋迦如來真報土清淨
莊嚴無勝是爲度娑婆分化入八相成佛度衆
生上已非滅現滅者台家之意雖通三身今約應
身言之應身卽是法報之由體旣無滅用豈有
滅故云非滅爲度衆生方便現滅故云現滅以
一食之力等者是因位施食由施食修因得壽
無量果今一食者是依小因得大果義又最勝
王經說釋尊壽量云不害衆生命及施於飲食

由斯二種因得壽命長遠果。已釋迦佛壽命過
於億百千劫無數無量故云過於此斯乃顯無
限量也。諸根悅豫者眼等五根同現喜相名根
悅豫。今說此經既顯本懷故現悅豫悅者喜也
豫者悅也。壽量無限姿色不衰故云不變光顏
常住亦是不老故云不異定已究竟慧既充暢
故云究暢定慧無邊故云無極定慧滿足於一
切法得自在也。於此中下等者緣覺名中聲聞
名下於此一中示現入滅故云現滅淨影云亦

無所作無因可作亦無所有無果可有言不起
者無淨可起言不滅者無染可滅得平等法約
理辨證比座百寶蓮華者准智論意報身座蓮
華雖然所座義一家無判釋序記二云能座佛
三身具足之化身已斯乃三身相即應身故備
報身德以座蓮華小乘應化儀乎者小乘應化
無常之佛今經教主壽命無量後座茅草此座
蓮華彼不說淨土此十方淨土現於光臺彼不
明十方淨穢多佛此以十方恒沙諸佛為證誠

佛說法豈類小乘應化儀乎若准壽命無量座
寶蓮華徧可謂報身雖然穢土出現回應身也
雖云應身三身相即應身也顯教法身無色無
形者問法華說微妙淨法身具相三十二何云
顯教法身無色無形耶答法身即是四八相本
讓功於本故云具相弘次一云智辨法身故名
深達即指法身為諸相本故云法身具三十二
已密教立法身色形者二教論下引智論云法
身佛常放光明常說法比放光明者立法身色

形證也常說法者明常恒說法文也真言不云
融即者問付法傳上釋法報應化躰同由異三
身相即義分明也如何答所難是寄顯門意歟
若約密宗正意十不同云法華經是釋迦說雖
云三身即一於應身上詮法報也胎藏界是法
身說雖云三部一體若論其實唯是法身上已
斯乃應身法身高下分明也權教隔別三身等
者疏記九云法定不說報通二義應化定說若
其相即俱說俱不說比法身內證故云不說自

受用身內證不說他受用身對機說法故云通
二應局化他故云定說斯乃權教隔別三身若
約相卽法身卽報應故云俱說報應卽法身故
報應全理故云俱不說此是實教相卽三身也
所云法身說法等者大日經疏一云薄伽梵卽
毘盧遮那本地法身次云如來是佛加持身此
經說教主云薄伽梵疏釋本地法身異本卽身
義判六大名佛時旣名法身依疏本地法身與
卽身義六大法身真言教主本地六大法身歟

但弘法大師二教論上釋自性法身所說秘密
真言等問六大法身與自性法身爲同爲異答
六大能生自性法身所生卽身義云以六大爲
能生以四法身三世間爲所生此自性法身四
法身中第一也能生六大十方世界有情非情
生佛身性無有邊際故名六大所生法身具足
相好能生六大豈具相好若具相好加持四曼
分齊而非能生六大法身相好也加持身說法
者大疏鈔一云加持身者是曼荼羅中臺尊此

佛名加持身當報身也。比加持者新譯語也。舊云護念即身義云。加持者表如來大悲與衆生信心佛日之影現衆生心水。曰加行者心水能感佛日名持。比四曼分齊者一。大曼荼羅二。三昧耶曼荼羅三。法曼荼羅四。羯磨曼荼羅也。即身義云。大曼荼羅謂一一佛菩薩相好身。比若具相好說法縱使雖名自性法身。加持四曼分齊而顯教所談報應二身也。華嚴云等者華嚴教主即有二種。一者華藏世界根本臺上盧遮

那佛是爲教主。具如繫鈔。一者以今日之釋迦如來卽爲教主。俱繫鈔雖云悉達釋迦現本土現遮那非正華嚴於五教章立十異中第三主異者以釋迦佛爲彼教主。明異三乘教主三身故云主異五教章上云三者主異謂此一乘要。是盧遮那十佛身及盡三世間說不同三乘等變化身及受用身等說矣。如來一身自有十身故云一躰躰者身義。一身一體言異意同。不分法報應之三身故云不分清涼畧策云如來一

身自有十身矣又云分三身名目三乘教內今
一乘玄旨一體不分矣五教章下云非法非報
化如別教一乘是十佛故也上問妙玄七引像
法次疑經云或見報身座蓮華藏世界海爲百
千億釋迦牟尼佛說心地法門上是以梵網教
主說報身何云不分三身乎答新譯華嚴說法
報不分二三莫辨依五教章二者生身法身也
他受用與化身合爲生身自受用與法身合各
法身也三者法報應也既表十佛境界遮二三

莫辨何云報身乎但至像法次疑經者部別見
別不須和會定云報身者於華嚴宗定報身不
分明但從他宗見之本土教主對自眷屬說心
地法門故自受用身也至第二傳教主者他受
用身也梵網古迹下釋我今盧遮那方座蓮華
臺云此初他受用身傳說此身應第二地戒波
羅密此經宗故上加之像法次疑經說分明也
法華教主或法身者凡以三身配四教時圓教
教主卽法身故法華教主亦法身也故文句一

云隱前三相唯示不可思議如虛空相卽圓佛
自覺覺他故上已斯乃釋法華主成就爲法身也
或報身者淨名疏云若說法華單現尊特已所
言尊特者報身也集解上云亦名他報又名尊
特矣圓覺經疏云他受用報法性尊特矣或三
身相卽應身者智禮云若聞圓乘必見法身圓
見應身皆唯本具矣上二句釋爲法身於教主
下二句判爲應身乎教主云皆唯本具故三身
卽一應身也次下釋以久遠實成釋迦爲教主

若此之時約壽量品自受用報身也文句九云
此品詮量通明三身若從別意正在報身比以
教主自己等者古人云諸佛在心頭迷人向外
求內懷無價寶不識一生休矣釋迦如來等者
法華云我實成佛以來久遠矣斯乃實修實證
自受用身然今習入自己證理故云皆在等皆
在等者大日經疏三云衆生一念心中有如來
壽量長遠之身已卽此意也心王大日等者異
本卽身義云毘盧遮那心王餘是心數也矣文

意於胎藏界曼荼羅五百尊中中臺大日心王
餘四佛等心數曼荼羅此云輪圓具足功德圓
滿無闕滅故淨土宗旨不尔等者今經教主定
三身即一應身有三由一穢土出現回應身故
二別以弥陀而為教主釋迦唯是發遣教主故
三加之三輩已下為遮三輩九品三賢十地教
門權說故欲色二境界番者大經云其四天王
及忉利天又云第三燄天乃至色究竟天云此
等因順餘方教門實非天非人故若法身等者

亦無所作亦無所有等見法身壽命無量座寶
蓮華見報身也三身相即應身故備法身德具
報身德也

第六重下

三雙六重四番問答者如玄義并記致請者請
問也散善自開等者問散善自開本意念佛何
於序分不說名号乎答大功遲成弥陀五劫思
惟大善故無左右不說乃至於下上品先說大
乘十二部經首題名字且是與機機不逗間於

此之時說顯名号大善秘術家有深意諸佛大悲等者玄義云諸佛大悲於苦者心偏愍念常沒衆生是以勸歸淨土上巳問隨自意語與出世本懷同異如何答約聖道隨他意淨土隨自意義隨自本懷詞異意同法華云一云隨他意語非佛本懷矣二定善隨他等者夫人偏是雖請定善佛閣定善自開三福定善隨他散善隨自是其義也偏說定門等者序分義云機緣未具不可偏說定門佛更觀機自開三福之行矣又

云若依定行即攝生不盡是以如來方便顯開三福以應散動根機矣三定散隨他等者選擇云釋尊不付屬定散諸行唯以念佛付屬阿難矣又云隨他之前暫雖開定散門隨自之後還閉定散門一開以後永不閉者唯是念佛一門上巳二散善隨自他意語者散善一門是佛自說故云隨自於散善中說上六品應是性習不同機宜故云他意斯乃隨自中隨他也答定散得受機者四番問答中第二問雖廣舉定散衆機

答偏述隨自一機也除斯已外等者謗法無信
八難非人難迴心故屬不堪機故云除斯下堪
能機故云已外一心已下釋第十八願文意也
彼宗意等者釋籤一云自法華已前皆曰隨他
故前教中雖並有融以兼帶故並屬隨他上已四
十餘年等者無量義經云四十餘年未顯真實
上已其真實者二乘成佛十如實相龍女成佛久
遠成道等也隨轉理門者要集記六引瑜伽鈔
云彼隨轉理門與天台隨他意語同上已隨轉理

門則方便說矣今意不然隨轉理門者備他門
語顯自門意也一家自說本意等者大師釋中
雖無隨自隨他名目解釋義勢其趣分明故云
一家自說等十二部經等者第五優陀那舊云
無問自說新云自說譬如從生盲者聲聞菩薩
譬不開究竟佛眼也二乘者上舉菩薩畧於緣
覺今舉緣覺畧於菩薩影略互顯假使等者淨
影云明一切人悉得聖道共思不知假使一切
人之多也具皆得道行德勝也淨慧智空證解

深也佛慧無邊歎佛智廣如是致淨歎佛德淨窮至清淨法性涅槃故難測知上智慧海者名号者經智慧海釋智願海言異意同佛智名号等者問註記五云佛智是廣念佛是狹非謂念佛即是佛智何今云言異意同耶答註記意佛智是惣智通權實事理故云佛智廣明信稱念佛而唯事相行故云念佛狹今意不然即相名号事理縱橫佛智名号言異意同

第七重下

淨土立高妙報土等者玄義云問曰彼佛及土既言報者報法高妙小聖難階垢障凡夫云何得入答曰若論衆生垢障實難欣趣正由託佛願以作強緣致使五衆齊入上自力諸宗等者諸師以弥陀身土定應身應土以能生之機多是判聖人故大師於經論相違門開六段細釋此義也舉者昔也跨節者此詞在法華玄二跨越也節制也止也則超法度義也未斷凡夫小聖人等超入報國越是聖道自力法度也中三

品等者諸師判中上品三果人中中品內凡中
下品世善凡夫一家釋中品三人是遇小凡夫
愚法聲聞者淨影云執小迷大名爲愚法解小
知大名不愚法性宗實大乘意等者若依小乘
入無餘後更不還生若依法相不定性者不入
無餘決定性者入無餘後不許還生若依三論
入寂之後許還生也今對小乘并法相宗故云
性宗實大乘等八六等者涅槃經病行品說也
本文在法事讚記初果入無餘後過八万劫得

發善提心二果六万劫三果四万劫羅漢二万
劫支佛一萬劫也問斷盡見思得羅漢果後入
無餘何今云前三果人入無餘耶答如所難得
羅漢果後入無餘但云初果二果三果約經生
者灰身滅智等者問羅漢雖斷見思離分段生
未斷法執直可受變易生何云無餘證乎答若
依天台意經八六等教門權說其實直生方便
土也故法華云是人雖生滅度之想而於彼土
得聞是經已但說八六等疏記云經存教道被

鈍根者矣經劫教遍之說要令其人速於此世
迴心若依香為意無餘是教門經劫非教門起
信論義記上云以二乘人本來不得無餘依涅
槃界故佛性論第三云二乘人有三種餘一煩
惱餘謂無明住地二業餘謂無漏業三果報餘
謂意生身變易身也矣義記云然彼二乘既不
能知此三餘乃至法尔皆有變易報殘而彼不
知謂為涅槃而實但是未燒身前期以滅智所
得滅定云云又云二乘無餘體滅定乃至由彼二

乘根有利鈍滅定防心種有強弱是故在定極
遲八万乃至一念云云既遮二乘不得無餘涅槃
表法尔變易報殘無餘教門分明也亦釋由根
有利鈍從滅定出經八万乃至一念經劫非教
門明矣文中一念者指法華是人雖生等文也
楞伽經曰耽小乘空三昧樂猶如醉人久久方
醒比空三昧詞滅盡定炳然然一家唯釋灰身
滅智等不云教門故順釋家云待八六等自然
生淨土也生心覺動等者問於何土生身心耶

答一家無釋准台家意方便土也具如繫鈔未
迴心者如向者不愚法聲聞不轉自調心不發
菩提心亦云未迴心此不愚法人雖知有淨土
不發菩提心不於淨土終入圓寂也轉向大
乘等者轉謂改轉向謂趣向改自調心趣向大
心故云轉向恥小慕大者方等益也法華云十
云得為恥小慕天之益喻如烹酪作生蘇比真
成別人益者鹿苑證果聲聞方等之時真成通
人般若之時顯成通人真成別人也但發等者

唯發菩提心無菩提心行况實相開會故云但
發等穢土退緣多等者西方要次云退根羅漢
欲界人中得果遇五緣退具恐失聖果起修道
惑比問住果聲聞暫退而無求退何云難入乎
答退法思法深狀退緣約彼思念且云難入欲
界人中有五退緣一長病二遠行三誦經四營
事五和諍云阿彌陀佛國等者大阿彌陀經文
也今引之意極樂國中諸阿羅漢入無餘者無
窮其數不入無餘新得羅漢亦無窮數般泥洹

去者無餘涅槃義也。央盡也。本所期等者為入
無餘。雖願往生既得往生不覺自然得成佛果
故云。無上寶珠等也。法華信解品云。佛說聲聞
當得作佛無上寶聚不求自得矣。又云。本無心
有所希求。今法主大寶自然而至。比銷融一乘
者。華嚴天台也。純金一乘者。雖通華天密禪。今
密禪也。鑛金宗者。法相三論也。圖中鑛金者。韻
會云。鑛古猛切。銅鐵生者多。連石也。或作鑛矣。
未明金體者。小乘三宗不明佛性故云。未明下

金體同之。鑛垢未脫者。鑛垢惑障也。天台圖宗
斷於四十二品。無明法相三論。但斷於十二品。
無明不斷其餘。故云未脫。四念處云。但知斷十
二品。無明為己家之極果。不知是他家之下。因
比華嚴天台者。此二宗一列。顯教一類。故教內
一類。故銷融脫鑛者。斷盡惑義也。真言佛心者
真言。雖教內而非是。顯教佛心。雖顯教亦非是。
教內以不通顯與教二故一列也。本來出鑛不
待銷融者。從本無惑。不須斷惑。金剛頂經開題

云、不觀修行不待對治、本來住此法、亦佛位、
六祖壇經云、菩提自性本來清淨、矣問實教、意
約理無斷、約事論斷、故五教章下云、約實謂無
可斷、以本來清淨故矣、法華玄九云、無明體性
本自、不有何須、智慧解惑矣、斯乃本來出、鑛不
待銷融乎、又大日經疏釋、消融百六十心鑛石
之垢、證道歌述、銷融頓入不思議、然何、今云本
來出、鑛不待銷融乎、答所難、誠亦也、但真言、以
表德、為本佛心、以見性、為旨、故且云、不待銷融、

其實、華天密禪、共須斷惑、銷融、泥、今批判、勿守
株、矣、能令等者、五會法事讚云、但使迴心、多念
佛、能令瓦礫、變成金、比若約等者云、五箇實大
乘時、淨土宗、亦名純金也、龍樹菩薩等者、智論
云、穢土一乘、如鑛金、淨土一乘、如純金、上純雖
得煉名者、煉斷惑義也、百練成純金、惑盡成佛
果、若此之時、華天密禪、同得煉名也

第八重下

修無相因等者、因果相順義也、台家、意無生忍

法身本通初住初地也是帝者帝字常途不再
讀選擇云非帝有多少義矣大學曰不帝若自
其口出矣但海篇云帝音世不止如是矣若是
再讀證歟剋念者尚書云克念作聖剋能也通
作克大師釋云等者是釋示觀緣見彼國土等
文釋意令作此觀者皆得無生忍也以觀行人
云積學者言無遺者令觀行人皆得無生故云
無遺言冥加者佛力加被非是顯露故云冥加
得無生忍現世顯露故云現益文序分者指示

觀緣應時即得無生法忍舉勸利益等者得無
生忍正宗利益然佛說序舉揚十三定善利益
使人勸修故云舉勸利益由序言方便者序分
即是正宗引故云方便此乃玄談未標得處
者以正宗益遠說序分故云玄談序文雖言得
無生忍未云何處故云未標其得處者若約韋
提在第七觀若約未來更不可定斯乃衆生機
不同故序臨等者序依淨緣光臺現土序見依
報歡喜餘身故云喜歎無以自勝今乃等者正

釋得忍言正觀者即是眼見言心眼者即心眼
開初散心見後心眼開即得無生六賊等者六
塵境也對六塵境發起煩惱造作惡業失功德
財故云六賊起業煩惱相續不斷故云常從業
煩惱是惡趣之因故云三惡臨臨等也大師釋
云六賊常隨三惡火坑臨臨欲入若不舉足以
救迷等云定記二云為救衆生隨惡趣苦周障
急來故云立撮業繫之牢者牢籠也或作牢造
諸惡業隨三惡趣繫世之囚如入禁籠是故名

曰業繫之牢不及端座者依造像功德經四威
儀中以座為勝雖然今佛為救衆生急來立撮
不及端座也辨師乃至大原問答者第七番答
入聖得果現世證入難云韋提夫人於第七觀
時得大悟無生雖是無初地無生語入聖大悟
故初地證理無生義顯然依之宗要二卷釋初
地無生義問性頓教意初住已上證位何今依
後分教權門意云初地無生乎答一家釋十地
三賢海不云地前證位仁王起信等此意也然

師上人放言背等者鎮西宗要見聞云夫人無
 生歡喜地也云云先達所立雖難改依法不依人
 涅槃教故明經釋可存其義也經說依有相觀
 見有相境何證理無生釋定十信中忍簡解行
 已上此外無云歡喜地無生釋云云順理者散善
 上上等者問此順理義一向不順理散機未發
 定約穢土得生已後何不發定大師釋云四種
 威儀常在定不出三昧作神通矣又云彼國衆
 生心眼利聞一悟解百千門上已依此等釋彼土

衆生非但得定亦是利根雖然上中品說經一
 小劫得無生忍上下品說經三小劫住歡喜地
 雖依得定力何於此土得初地無生耶答云云不
 涉解會智等者今此觀門等但有相事觀非無
 相理觀故云不涉等雖有相事觀佛力加被故
 直契無相理故云得本分大悟無生時而無有
 疑廬故名為大信仁王信忍即此謂也問契本
 分大信時見有相佛否答弥陀相好即無相故
 初見相佛後達無相無相大悟何見相佛記主

云依有相觀見有相境何證理無生翻而應知
證理無生不見相佛明矣論註云相好莊嚴卽
是法身矣要集云一一相好卽是實相矣要集
記八云先見相佛方達實相上會誓等者前漢
朱買臣會誓人家貧好讀書常艾薪樵賣以給
食故云會誓樵子仕武帝爲帝說春秋言楚辭
武帝聞之拜侍中後謂曰富貴不歸故鄉如衣
綉夜行今子何如買臣頓首謝依之爲會誓太
守故云會誓樵子因武帝上武帝前漢第六主

也具如蒙朮涓濱等者涓濱亦曰涓陽大公望
垂釣之處大公姓姜名子牙又名呂尚高祖周
文王文王將田史編卜之曰田於涓陽將大得
非龍非影非虎非羆兆得公侯天遺汝師依之
文王齊三日田於涓陽見大公座茅漁文王聞
大公語知是賢人載同車歸立爲師初封桓且
公後改爲大公祿封齊國故云如涓濱漁翁遇
高祖尊具如六韜千字文然彼如來宿願力故
者見佛易故而依摠願往生難故必託別願今

非直見佛亦得證悟任未得無生本期受極樂
法性生身偏可云攝機別願也聖力冥加者釋
迦佛力經說因佛力故得見無量壽佛故得蒙
誓首者佛德尊高垢凡女質非容輕觸然佛願
力而故赴機令致誓首故名爲蒙赴機能引者
在世得忍韋提夫人猶遂往生况末代人盡願
淨土乎但註記五云普賢文殊龍樹天親願生
西方兼於自他能察之領荷佛恩者因釋尊
力親於三尊此是夫人領納佛恩此恩尤重故

云領荷爲物陳疑生於後問者爲物指經未來
衆生陳疑指經當云何觀無量壽佛及二菩薩
明夫人意佛現在故蒙釋尊加念得親弥陀佛
問佛滅後衆生可云何見阿弥陀佛故云生於
後問生身得忍菩薩者父母所生身證無生理
是名生身得忍菩薩法性生身者法性清淨微
細色身斯乃界外變易根身一家釋云初地已
上七地已來卽是法性生身變易生身斯等曾
無分段之苦已因茲等者無生卽是不退之義

忍著慧也得無生慧故名無生忍心歡喜故名
為喜忍廓然大悟故名悟忍其位十信故名信
忍諸師多許深位無生者淨影云應時下由見
心喜得無生忍由知彼國從心而現達本無法
故得無生理也慧心安理名無生忍比天台云
即得無生忍是初住初地比斯乃圓教初住別
教初地依然師意諸師深機所被深位無生一
家淺機所被淺位無生依辨師意諸師如向一
家淺機所被深位無生云難弟難兄者勝劣難

分義也世說云陳元方子群弟季方子忠各論
父功德不決諮于太丘祖寔太丘曰元方難為
兄季方難為弟矣

第九重下

約行教相等者大經云易往而無人矣易者對
難其義明白大經云超越聲聞緣覺之地矣是
聲聞藏又云深入菩薩法藏矣即菩薩藏既云
菩薩法藏聲聞法藏亦明白也序分者一經緣
起者大般若經序分名緣起品為正說緣起故

正宗弄引者疏記云弄引者以譬顯也云譬意
序分譬歌正宗喻舞弄序分歌引正宗舞故云
弄引六緣七緣者如序分義二序三序開合者
合則證信發起二序開則從發起序之中開化
前序故云開合言由序者證信發起即名由序
此之二序為正宗由故大師釋云化必有由故
先明序由序既興正陳所說已樞機者周易曰
言行君子之樞機已樞機者肝要義也玄猷者
玄深也猷道也化前發起等者問於發起序中

有化前等七緣可云化前禁父禁母三緣何加
發起序云四緣耶答發起序摠七緣是別摠別
共舉故云四緣以發起序云發起緣序即緣故
化前序如云化前緣真成狀離等者真是對顯
夫人顯成狀離之人在狀苦緣阿闍世已禁父
禁母推夫人意何無狀離故云真成夫人自唯
罪重者今遇惡緣依過去罪故云罪重下云我
宿何罪生子惡子即此義也渴仰靈儀者靈儀
之言指釋迦佛仰信釋尊如渴欲水故云渴仰

叮頂者大國之法憂喜切時卽叮頂也跣者
跣除九切行止也跣徒古切足不履眞成等者
夫人遙禮佛狀值於惡緣何無欣求心故云眞
成等然但狀惡而已者釋狀苦緣言面卽可諸
佛道修行等者從此下至捨聖道之人明夫人
心中狀娑婆佛道修行欣淨土往生一門爲我
廣說無憂惱處者廣請十方淨土故云通所求
教我觀於清淨業處者廣請十方淨土去行故
云通去行眞狀娑婆等者非但眞狀此土修行

眞欣西方淨土一門也所以知者下云別所求
別去行時顯歸淨土以下顯歸淨土推今眞欣
淨土眞欣西方淨土一門也今是請爲我廣說
無憂惱處顯欣十方淨土然云眞欣淨土往生
斯乃推夫人心中也此聞佛說淨土無生者指
下正說我今請淨土佛當爲我說淨土爾時遂
望故云此聞等或指已說諸淨土經夫人昔聞
淨土教門今值惡緣應憶昔聞若不前聞何請
淨土故云此聞等眞心徹到者經雖無眞心徹

倒言看前後文上云悲泣雨淚下云厭穢欣淨其厭欣心定是慇懃心致真實口陳願我豈不徹到生死之元者煩惱及業即是生死之根元也若生淨土長別有流故絕生死之根元也厭欣淨摠安心者約言面摠安心厭穢與今厭穢全同共厭六道故摠安心欣淨所求局西方今欣淨所求通十方是其異也雖然厭穢欣淨言同故云摠安心也今推夫人已下意摠安心厭穢唯厭六道穢惡今云善惡共厭離穢土事

是其別也言厭穢土佛道修行故云真成等至如來通答現十方佛土者問違提請為我廣說無憂惱處如來不廣說淨土光臺現十方淨土有何由耶答大師釋云若為之摠說恐彼不見心猶致惑是以一一顯現對彼眼前信彼所須隨心自選上比夫人選西方一土者經云我今樂生極樂世界阿彌陀佛所矣釋云夫人摠見十方佛國並悉精華欲比極樂莊嚴全非比况故云我今樂生安樂國也比擇西方一行者經云

教我思惟教我正受此即是廣開淨土之門者
上云西河悟真一泓寫瓶相承無疑是也問廣
現十方淨土故云廣開然記主何故云廣開極
樂之門乎答廣現十方淨土為令選西方也加
之在世滅後衆生往生極樂依光臺現國故云
廣開極樂大師釋云廣開淨土之門非直韋提
得夫有識聞之皆往此諸餘經典等者一代諸
經中多說西方弥陀事如妙樂云諸經所讚多
在弥陀故以西方而為一准衆聖等者指小經

證誠大師釋云十方諸佛悉皆同讚同勸同證
矣機緣未具等者依韋提請唯說定善即漏散
機故云機緣未具等也夫人雖請定善佛廣為
化散機先開散善千鈞弩不為鼉鼠發機何由
獨為夫人但說定善故佛觀機先自開散善也
若依等者上文意同依下觀門者指第九佛身
觀專心念佛者指念佛衆生念佛一經之元意
在稱名念佛故云正顯等上散善隨自意故云
且顯今念佛隨自意故云正顯但有子細者說

清淨業文定善許說故觀佛色相釋依下觀門
專心念佛此是觀念念佛也像觀說於現身中
得念佛三昧真身觀說以見諸佛故名念佛三
昧故稱名念佛義約一經元意觀念念佛義約
定善許說有此二義故云但有子細舉一明三
者有四角物見一角自知餘三角義也論語云
舉一隅不以三隅反則不復也矣目機銖量者
韻會云十黍為累十累為銖二十四銖為兩矣
不用秤目一視知一銖一兩輕重義也機會也

二門並說亦有之者依涅槃經凡夫三果未免
賊害是約自力若依今經凡夫亦有免賊害義
是約他力望怯弱下機聖道自力修行難成是
云為煩惱賊之所害者為煩惱賊等者嫌聖道
難行說清淨業者勸淨土易行此即二門並說
也

教相樞要鈔上

一
知空全

